



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 62. Statuta circa doctrinam ac disciplinam Genevæ a Calvino  
præscripta.

---

[urn:nbn:de:hbz:466:1-66615](#)

Sæcul. XVI. urbe expulerant, numero ac potentia  
A.C. 1542. superarent, hic quoque hærefiarcha jam  
anno priori die decima tertia Septem-  
bris rursus Genevam rediit, tantis ho-  
norum signis exceptus, ut ad Senatus  
recens electi, ac Syndicorum preces re-  
versus non minus ab ipso Magistratu,  
quam a populo crebris acclamationibus  
reciperetur, ac festivis lætitiae testifica-  
tionibus exciperetur, quin imo plenam  
etiam a Magistratu obtineret facultatem,  
vi cuius eorum Ecclesiam, prout ipsi be-  
ne visum fuerit, moderari posset. Cal-  
vinus itaque concessa sibi potestate usus,  
externam disciplinam ad eandem ferme  
normam reduxit, quæ hodie dum in il-  
lis Reformationis prætensiæ Ecclesiis  
observatur.

## §. LXII.

*Statuta circa doctrinam ac discipli-  
nam Genevæ a Calvinῳ præ-  
scripta.*

*Beza l.c.* Præprimis Calvinus Senatum, quem  
*Hier. Bolsec.* vocant *Consistorium*, nec non Mini-  
*in vita Calv.* strorum Conventus & Synodos instituit,  
*Hist. verit. du* atque nominavit quosdam Seniores,  
*Calv. a Amst.* 1683. p. 119. Diaconos, aliosque, qui *Superintenden-  
tēs* appellantur. Præterea præscripit  
*l. 3.* orandi, concionandi, Cœnamque cele-  
brandi modum, nec ipsius quoque ba-  
pti-

ptizandi, ac mortuos sepeliendi normæ Sæcul. XVI.  
oblitus, nec minus Ecclesiasticum quo- A.C. 1542.  
que erexit tribunal, cui jurisdictionem  
ac plenam censuras, pœnas Canonicas,  
imo & ipsam quoque excommunicatio-  
nen ferendi potestatem attribuere au-  
sus fuit. Scripsit insuper Latinum æque  
ac Gallicum Catechismum a priori lon-  
ge diversum, magisque diffusum, in  
quo variæ quæstiones ac responsa pro-  
ponuntur, eundemque librum Tremelius  
secta Judæus Hebraice, Henricus  
vero Stephanus Græce reddidit. Hæ  
quidem novitates displicebant quam  
plurimis, qui etiam sese pro viribus op-  
ponebant: ast Calvinus his omnibus  
tandem prævalebat, novusque Canon in  
quodam totius populi conventu anno  
Christi millesimo quingentesimo qua-  
dragesimo primo die vigesima Novem-  
bris celebrato vim legis obtinebat, si-  
mulque tam Clerici, quam Laici fidem  
suam obstringebant, quod perpetuo no-  
væ huic legi insistere vellent. Interim  
hic Hæresiarcha usus præensis Sena-  
tus sui juribus, nec non immodica seve-  
ritate, qua potestatem suam pro summo  
imperio atque arbitrio exercebat, pluri-  
morum invidiam sibi accersivit, ac non-  
nunquam variis tumultibus urbem ex-  
agitavit: verum ille ad omnia imperter-  
itus, inanisque gloriæ cupiditate, qua-

*Hist. Eccles. Tom. XXXVIII.* H in-

**Sæcul. XVI.** intumescebat, accensus, in suis opinio-  
A.C. 1542. nibus omnino obdurescebat, quin imo  
 cunctis, ut suis dictis cœco prorsus obse-  
 quo assentirentur, imperiose mandabat,  
 illis vero, qui contra eum vel hiscere au-  
 debant, ingenti verborum vehementia,  
 insanoque furore respondebat.

Præterea anno sequenti millesimo  
 quingentesimo quadragesimo secundo  
 statuta, quorum ipse Auctor exstitit, in  
 usum deduci jussit, atque ad suam sectam  
 multos exteræ nationis viros suscepit,  
 præcipue vero Gallos, qui in sua patria  
 ob hæresin vexati Genevam confuge-  
 rant, spe freti, quod ibidem omni poti-  
 rentur libertate, quam novi errores om-  
 nibus & singulis illorum Sectatoribus  
 indulgebant. Hi igitur una omnes Cal-  
 vinum accedebant; nam iste eorum con-  
 filii cum majori utilitate ac minori pe-  
 riculo solus deservire poterat, unde Cal-  
 vinus pro parte sua nil intentatum, in-  
 ausumque relinquebat, ut illos arctiori  
 vinculo sibi adstringeret, quapropter  
 follicite unicuique de sua sustentatione  
 providebat, cauteque præcavebat, ne  
 cuiquam molestia inferretur. Insuper  
 ad ea etiam Regna, in quibus jamjam se-  
 ctæ suæ fautores præmiserat, suam folli-  
 citudinem extendit, unice intentus, ut  
 suorum factio potentia ac numero cre-  
 sceret.

§. LXIII.